

Powšitkowne WOZJEWJENJA

njedźelu, 26. septembra 2010

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže tutu njedźelu, 26. septembra, w 14 hodź. w Chrósćicach na łuce při Hatkach (za starownju). Nyšpor wobrubja wosadni dujerjo a chór Meja. Na nim požohnuja so konjace zapřahi. Zapřahi zetkaja so w 13.45 hodź. při pomniku.

Kubłanski dzeń za 3. a 4. lětnik

Džěci 3. a 4. lětnika su w nazymskich prózdninach na zhromadny dzeń do Don Boskowneho domu we Worklecach přeprošene. Zarjadowanje wotměje so pjatk, 8. oktobra, wot 9.00 do 15.00 hodź. Zajimcy njech so prošu hač do pjatka, 1. oktobra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosći třoch eurow.

Na różowcowy wotpusk do Kulowa

Kóždolětnje přenju oktobersku njedźelu přeprošuje arcybratstwo swjateho różowca w Kulowje, kotraž bu lěta 1672 založene, na różowcowy wotpusk do farskeje cyrkwe do Kulowa. Z Ralbic woteńdže procesion z družkami w 5.30 hodź.

Swjedźenska Boža mša w serbskej rěči, wobrubjena wot chóra Bratrowstwa, je we 8.30 hodź.

Na dompuć nastaji so procesion z připołdnišim zwonjenjom.

Popołdnu w 14.00 hodź. je w Kulowje němsko-serbski nyšpor z procesionom po wulkim procesionskim puću. Družki přewodžeja postawu maćerje Božeje. Chorhojnicy wšitkich towarstwow a wosadnych skupin njesu swoje banery. Přeni džěl procesiona modli so po puću różowc w němskej, druhu džěl w serbskej rěči.

Přiležnosć k swjatej spowědži w Kulowje je štwórtk, 30. septembra, wot 18.00 do 19.00 hodź. pola fararja Měrćina Deleńka a wot 19.30 do 20.00 hodź. pola fararja dr. Wolfganga Křesáka; pjatk, 1. oktobra, wot 8.15 do 9.00 hodź. pola fararja Deleńka a sobotu wot 16.00 do 17.30 hodź. pola kapłana Daniela Laski.

Předstajenje noweje knihi wo klósterskim sudnistwje

Swoju runje wušlu knihu „Aus dem Leben der kleinen Leute“ předstaji farar Michał Anders njedźelu, 3. oktobra, w 17 hodź. w farskej wikariji w Pančicach-Kukowje. W njej rysuje stawizny klósterskeho sudnistwa. Někotre zajimawe pady farar Anders předstaji.

Romantiski oratorij „St. Petrus“ w cyrkwi swjateho Pětra

W rjedže duchowna hudźba zaklinči njedźelu, 3. oktobra, we 18 hodź. w Budyskej tachantskej cyrkwi swjateho Pětra romantiski oratorij „St. Petrus“. Nawod změje tachantski kantor Friedemann Böhme. Hartmann von An der Lan-Hochbrunn (1863-1914) je oratorij spisał. Hačrunjež stej twórc a twórba pozabytej, jedna so wo wulkotnu romantisku hudźbu, wuchadža z připowědže za hudźbny koncert. Zastup je darmotny.

Zetkanje Serbow w Bayerskej

Serbja, kotřiž w Bayerskej bydla abo džělaja, su na přenje zetkanje srjedu, 6. oktobra, w Unterschleißheimje přeprašeni. Kemše změje farar Gabriš Nawka w 20 hodž. w cyrkwi swjateho Ulricha. Štóż ma zajim, dalšich w Bayerskej bydlych abo džělacych zeznać, njech přizjewi so hač do pjatka, 1. oktobra, telefonisce pola Andreje Buchholzoweje pod (0 89) 31 60 58 92 abo (01 79) 7 97 13 35 abo pisomnje přez fax (0 89) 31 83 65 93.

Za mandželski seminar so přizjewić

Přichodny seminar k přihoťe na mandželstwo přewjedže so wot pjatka do soboty, 19. do 20. nowembra, w Domje biskopa Bena w Smochćicach. Přizjewić měli so zajimcy pisomnje pola Dekanatneho dušepastyrstwa, Mlynski puć 4, w 01920 Worklecach.

Po impulsach z biblije pućować

Eksercicijowy dom Wysoke Duby w Drježdžanach přeprašuje na putniski dzeń sobotu, 9. oktobra. Zaměr je, wot dopołdnja w džesaćich hač do popołdnja w štyrjoch po impulsach ze Swjateho pisma pućować. Nastajić měli so zajimcy na pječkilometrowske lochke pućowanje z rozmołwami, duchownymaj impulsomaj a naslědnym rozpominanjom. Dzeń zakónči so z nyšporom. Start a cil je přewozny čolm w Stadt Wehlen (po prawym boku Łobja). Wosebite přizjewjenje njeje trěbne. Nawod změje jezuitski pater Petrus Köst. Jědž a napoje měř sej kóždy sam sobu přinjesć.